

Ժողովուրդ

45
(2711)

29 մարտի չորեքշաբթի 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՊԱՅՔԱՐ ՕՍԲՈՒԴՄԱՆԵՆԻ ՊԱՇՏՈՆԻ ՀԱՄԱՐ



Երկարատև փնտրություններից հետո ԱԺ խմբակցությունները վերջապես ՄԻՊ թեկնածուներ են գտել: Իշխող ԶԳ խմբակցությունը ՄԻՊ թեկնածու է առաջադրել գլխավոր դատախազի տեղակալ Անահիտ Մանասյանին, իսկ ընդդիմադիր «Պատիվ ունեն» և «Հայաստան» խմբակցություններն էլ ՄԻՊ թափուր պաշտոնում առաջադրել են ՄԴ աշխատակազմի նախկին ղեկավար Էդգար Ղազարյանի թեկնածությունը: Փաստացի այս պահին ՄԻՊ թեկնածուները երկուսն են: Ըստ «ԱԺ կանոնակարգ» օրենքի՝ թեկնածուների առաջադրման ժամկետը լրանալուց եւ առնվազն մեկ թեկնածու առաջադրվելուց հետո՝ երկշաբաթյա ժամկետում, Ազգային ժողովին թեկնածու առաջարկելու մասին հարցը քննարկվում է իրավասու մշտական հանձնաժողովի, այս դեպքում՝ ԱԺ մարդու իրավունքների պաշտպանության եւ հանրային հարցերի մշտական հանձնաժողովի առաջիկա հերթական նիստում կամ կարող է քննարկվել հանձնաժողովի արտահերթ նիստում: Ազգային ժողովին ՄԻՊ թեկնածու է առաջադրվում ԱԺ մարդու իրավունքների պաշտպանության եւ հանրային հարցերի մշտական հանձնաժողովի որոշմամբ՝ խմբակցությունների առաջադրած մեկական թեկնածուների թվից, այսինքն՝ գլխադասային հանձնաժողովի անդամներն իրենց քվեարկությամբ պետք է ընտրեն առաջադրված թեկնածուներից մեկին եւ նրան առաջադրեն ԱԺ-ին: ԱԺ մարդու իրավունքների պաշտպանության եւ հանրային հարցերի մշտական հանձնաժողովի անդամները 7-ն են, մեծամասնություն են կազմում ԶԳ խմբակցության պատգամավորները 4/3 հարաբերակցությամբ: Հարցի քննարկման ավարտից հետո՝ 24 ժամկա ընթացքում, իրավասու մշտական հանձնաժողովի նախագահն Ազգային ժողովի նախագահին է ուղարկում հանձնաժողովի նիստի արձանագրության քաղվածքը եւ հայտնում որոշման մասին: Ըստ «ԱԺ կանոնակարգ» օրենքի՝ եթե սահմանված ժամկետում Ազգային ժողովի իրավասու մշտական հանձնաժողովին թեկնածու չի առաջադրվում, ապա դրանից հետո՝ տասնօրյա ժամկետում, համապատասխան պաշտոնում կարող են առաջադրվել թեկնածուներ: «Ժողովուրդ» օրաթերթը ԶԳ խմբակցության պատգամավոր Վահագն Ալեքսանյանից հետաքրքրվեց՝ ինչպես են տրամադրված Էդգար Ղազարյանի հարցում, հնարավոր է արդյոք, որ, ամեն դեպքում, այս անգամ գիշուների գնան եւ ընտրեն ընդդիմության թեկնածուին: «Առանց մեկնաբանության», - կարճ արձագանքեց պատգամավորը:

«Ժողովուրդ» օրաթերթի տեղեկություններով՝ ԶԳ-ականների համար իսկական պատուհաս է դարձել Հոռոմի ստատուտին միանալու վերաբերյալ ՄԴ որոշումը: Ինչպես հայտնի է, ՀՀ սահմանադրական դատարանը մարտի 24-ին որոշեց, որ Հայաստանի միացումը միջազգային քրեական դատարանի Հոռոմի կանոնադրությանը համապատասխանում է երկրի հիմնական օրենքին: Իսկողը հետեյալն է. Հոռոմի ստատուտի կարգավորումների համաձայն՝ միջազգային քրեական դատարանով քրեական պատասխանատվության ենթարկված անձանց նկատմամբ չի կարող կիրառվել համաներում կամ ներում, իսկ Հաագայի դատարանի կողմից մարտի 17-ին ՌԴ նախագահին ձերբակալելու օրոքեր էր իջեցվել: Ստացվում է՝ Հոռոմի ստատուտին միանալով՝ ՀՀ-ն պարտավորվում է կատարել նաեւ Հաագայի դատարանի այս որոշումը: ՄԴ-ում փաստաթղթի սահմանադրականությունը որոշելուց հետո Հոռոմի կանոնադրությունը կամ ստատուտը դեռ պետք է վավերացվի ԱԺ-ում: Ասել է թե՛ գնդակը խորհրդարանականների դաշտում է: Բանն այն է, որ ԶԳ-ականները հիմա վախեցած են ՄԴ այս որոշումից, տարբերակներ են մտածում՝ ինչպես մաներեն սրանից, հատկապես որ Մոսկվան բավականին կոշտ է արձագանքել սրան եւ զգուշացրել «երկկողմ հարաբերությունների համար սրա չափազանց բացասական հետեւանքների մասին»: «Ժողովուրդ» օրաթերթը ԶԳ խմբակցության պատգամավոր Վիգեն Խաչատրյանից (ով նաեւ ԱԺ պետաիրավական հանձնաժողովի անդամ է) հետաքրքրվեց՝ ԶԳ-ն ինչ դիրքորոշում ունի՝ սրա հետ կապված, արդյոք կբերեն այն ԱԺ: «Դեռ նոր է ՄԴ-ի որոշումը, քննարկում չի եղել այդ մասով, բայց կարծում եմ՝ առաջիկայում կքննարկենք դա», - ասաց պատգամավորը: Հիշեցնենք, որ ԱԺ նախագահ Ալեն Սիմոնյանը, լրագրողների հետ զրույցում անդրադառնալով հարցին՝ եթե Հոռոմի ստատուտը վավերացվի, ու ՌԴ նախագահը գա ՀՀ, մեր քաղաքական ղեկավարությունը ինչ գործողություն կանի արդյոք, պատասխանել էր. «Թող իլը վավերացնի. Կի-կոսի մահին չեմ անդրադառնա, իրագործումը չեմ պատկերացնում: Դա շատ ավելի քաղաքական, միգուցե պատմական գնահատական է»:



«Ժողովուրդ» օրաթերթի տեղեկությունների համաձայն՝ Պաշտպանության նախկին նախարար Դավիթ Տոնոյանի եւ ՊՆ նախկին պաշտոնյաների քրեական գործով դատարան է կանչվելու ՀՀ պաշտպանության նախկին փոխնախարար Ալիկ Միրզաբեկյանը: Նշենք, որ նա 2016 թվականին, Սերժ Սարգսյանի հրամանով, ազատվել էր ՀՀ պաշտպանության նախարարի տեղակալ-նյութատեխնիկական ապահովման դեպարտամենտի պետի պաշտոնից: Ըստ լուրերի՝ Միրզաբեկյանը, չգիտես՝ ինչու, սպառազինության եւ սննդամթերքի մատակարարման գնումները շուկայականից բարձր գներով է իրականացրել: Նշենք, որ երեկ Հակակոռուպցիոն դատարանում ընթանում էր պաշտպանության նախկին նախարար Դավիթ Տոնոյանի եւ ՊՆ նախկին պաշտոնյաների գործով դատական նիստը: Դատարան էին հրավիրվել վկաներ, որոնցից մեկը «Հայաստան» խմբակցության ղեկավար, պաշտպանության նախկին նախարար Սեյրան Օհանյանն էր: Ինչպես հայտնի է, ԱԱԾ քննչական դեպարտամենտում հարուցվել էր քրեական գործ՝ ռազմամթերքի ձեռք բերման գործընթացում ենթադրյալ չարաշահումների վերաբերյալ: Քրեական գործի շրջանակներում մեղադրանք է առաջադրվել յոթ անձի, այդ թվում՝ ՊՆ նախկին նախարար Դավիթ Տոնոյանին, ՀՀ ԶՈՒ ԳԾ պետ Արտակ Դավթյանին, ԶՈՒ ԳԾ պետի նախկին տեղակալ Ստեփան Գալստյանին, Պատրոն Դավի մականունով հայտնի, գենքի մատակարարմամբ զբաղվող գործարար Դավիթ Գալստյանին:



Արցախում հնարավոր ներքաղաքական գործընթացները կանգ կառնեն: Բանն այն է, որ մարտի 23-ին Արցախի Ազգային ժողովը երկրորդ ընթերցմամբ եւ ամբողջությամբ ընդունեց Սահմանադրության փոփոխության նախագիծը: Այն վերաբերում էր ռազմական դրության ժամանակ հանրապետության նախագահի պաշտոնը թափուր մնալու դեպքում խորհրդարանի կողմից երկրի նախագահի ընտրության եւ դրա առանձնահատկությունների վերաբերյալ հարցերին: Այժմ խորհրդարանի կողմից այն ընդունելուց հետո, նախագիծն արդեն ուղարկվել է Արցախի գերագույն դատարան: Հենց այս կառույցը պետք է որոշի, թե՛ որքանով է այս փոփոխությունը համապատասխանում Արցախի Սահմանադրությանը: Օրենքը սահմանում է, որ Արցախի գերագույն դատարանը կարող է այս հարցը քննել եւ որոշում կայացնել 10 օրից մինչեւ վեց ամիս ժամկետում: Սա նշանակում է, որ առաջիկայում, մինչեւ դատարանը որոշում կկայացնի, Արցախի նախագահի փոփոխություն չի լինի: Հնարավոր է, որ Արցախի գերագույն դատարանը հարցը նաեւ արագ քննի, ու որոշում կայացվի, սակայն, ամեն դեպքում, մինչ այդ որոշումը ներքաղաքական իրադարձություններ Արցախում տեղի ունենալ չեն կարող:

ԱՐՁԱԳԱՆՔ ԶԿԱ

ԱՐՑԱԽԷԸ ՓՈՐՉԱԴԱՇՏ ՉԷ

Արցախում իրավիճակը վերջին օրերին կտրուկ արվել է: Հակառակորդը դարձրեց...

«Ժողովուրդ» օրաթերթը Արցախում ստեղծված իրավիճակի վերաբերյալ գրուցել է...

-Պարոն Բաբայան, ի՞նչ իրավիճակ է Արցախում, ինչո՞վ եք պայմանավորում հակառակորդի ակտիվացումը վերջին օրերին:

-Այս ամենի պատճառն Ադրբեջանի ատելությունն է Հայաստանի ու Արցախի նկատմամբ...

-Ադրբեջանը դիրքային առաջխաղացման փորձեր է նաեւ արել այդտեղ: Ո՞ր հատվածներում է հակառակորդին հաջողվել առաջ գալ...

-Շուշիի շրջանում են առաջխաղացման փորձերը լինում: Ադրբեջանը փորձում է սեղմել Արցախի շուրջ օղակը...

-Պարոն Բաբայան, իսկ ռուս խաղաղապահներն ի՞նչ քայլեր են ձեռնարկում Ադրբեջանի սադրանքները կանխելու համար:

-Ռուս խաղաղապահները որոշ քայլեր ձեռնարկում են, հիմա դիրքավորվել են այնտեղ...



հետագա առաջխաղացումը, բայց այստեղ իր ազդեցությունն է ունենում նաեւ այն, որ սահմանափակ է ռուս խաղաղապահ առաքելության թվաքանակը...

-Վերջին սրացումներից հետո Արցախի ղեկավարությունը դիմել է միջազգային կառույցներին, ի՞նչ արձագանք կա նրանց կողմից:

-Միջազգային կառույցներին այնքան ենք դիմել, եւ չեն ուզում մեզ ծաղրեն, հասկացանք, որ դա ձեռակալ, ֆորմալ արարողակարգ է...

յունք չկա: Տեսե՛ք, քանի երկիր է շնորհավորել Ալիեյին՝ Նովրուզի կապակցությամբ, ադրբեջանցի էկոակտիվիստներից մեկն ասում է՝ պետք է կտրենք հայերի կոկորդին ու արյան մեջ թաթախենք...

ՔՐԻՍՏԻՆԱ ՍՈՒՆԵՂՅԱՆ

ԱԳՆ-Ի ԳՆՈՒՄՆԵՐԸ

ՀՀ արտաքին գործերի նախարարությունը Արտյոն Կոշտոյանից արձաթյա կլկան է գնել, որի արժեքը 442 հազար դրամ է եղել:

Մեկ այլ պայմանագրով ՀՀ ԱԳՆ-ն 400 հազար է տրամադրել: Այդ գումարով նախարարությունը երկու թարգմանիչ է վարձել հայերեն-ֆրանսերեն թարգմանություն իրականացնելու համար...

ՀՀ-ում ԱՄՆ դեսպանի հավատարմագրերի հանձնման արարողությունը իրականացնելու համար տրամադրվել է 33 հազար տրանսպորտի ծառայությունների համար, իսկ 13 հազար դրամ էլ ծախսվել է մեկ այլ անգամ՝ մարտի 14-ին...

ՆԱԻՐԱ ՀՈԿՅԱՆՆԻՍՅԱՆ

ՈՐՔԱՆ ԿՈՐՈՒՄՏ Է ԿՐԵԼ

«Մենք ենք մեր սարերը» գործակալությունը գեղույց է ներկայացրել շրջափակման հետեւանքով Արցախի տնտեսության կորուստների վերաբերյալ:

Արցախի բյուջեի մուտքերի մոտ 73%-ը հետպատերազմյան ժամանակաշրջանում Հայաստանից տրամադրվող բյուջետային վարկն է, մնացած 27%-ը հարկային եկամուտներն են, որոնցից 7 տոկոսային կետը՝ հանքարդյունաբերության ոլորտի վճարած հարկերն են:

Ինչ վերաբերում է ծախսերի մակարդակին եւ դրանց կառուցվածքին, ապա Արցախի բյուջեի ծախսային կառուցվածքը հիմնականում սոցիալական բնույթ ունի, եւ դա պայմանավորված է նաեւ օբյեկտիվ պատճառներով, քանզի, հետպատերազմյան շրջանում շուրջ 30,000 անտուն մնացած արցախցիների խնդրի համատեքստում, ակնհայտ պետք է մեծանար բյուջետային ծախսերում սոցիալական բնույթի ծախսերի մասնաբաժինը:

Մասնավորապես, կախված նրանից, թե սոցիալական քաղաքականության ինչպիսի թիրախ կընտրվի (նվազագույն կենսապայմանների, թե նորմալ կենսապայմանների ապահովում), Արցախի կորուստները գնահատվում են օրական առնվազն 651-752 մլն դրամ (1.65-1.9 մլն ԱՄՆ դոլար): Ընդ որում՝ որքան երկար տեղի շրջափակումը, այնքան նշյալ ցուցանիշները դառնալու են ավելի օպտիմիստական գնահատականներ, քանի որ յուրաքանչյուր ավել օր շրջափակումը լրացուցիչ վնասում է Արցախի տնտեսական պոտենցիալին՝ հետեւապես եւ նշյալ գնահատված ծախսերին, եւ դրանց մուլտիպլիկատիվ էֆեկտներին ավելանում է ՀՆԱ պոտենցիալի վերականգման ծախսեր:

ՆՈՐ ՆԱԽԱԳԻԾ

ՊԱՏՎԱՎՈՐ ԿՈՉՈՒՄՆԵՐ ՉԵՆ ՏԻՎԻ

Արդարադատության նախարարությունն առաջարկում է փոփոխություններ կատարել «ՀՀ դեռահաս տղամարդիկ ու դասվավոր կոչումների մասին» օրենքում եւ հարակից օրենքներում:

Հիմնավորման մեջ նշվում է, որ «ՀՀ պետական պարգևների ու պատվավոր կոչումների մասին» օրենքի 4-րդ հոդվածի 1-ին մասի համաձայն՝ պատվավոր կոչումները սահմանվում են գիտության, կրթության, արվեստի, մշակույթի, առողջապահության, տնտեսության, ճարտարապետության, շինարարության, իրավագիտության, լրագրության, ֆիզիկական կուլտուրայի եւ սպորտի բնագավառների զարգացման գործում ունեցած ակնառու հաջողությունների եւ բացառիկ վաստակի համար:



որ օրենքով պատվավոր կոչումների նախատեսման նպատակն է սկզբանե եղել է առանձին ոլորտում առանձնակի հաջողություններ եւ ներդրում ունեցած ան-

ձանց խրախուսելը, պատվավոր կոչումներն իրավակիրառ արակտիկայում չեն ապահովում հետապնդած նպատակների իրականացումը:

Ավելին, պատվավոր կոչումների շնորհումը հաճախ, դրական հետեւանքներ ունենալու փոխարեն, բացասական ազդեցություն է ունենում առանձին մասնագիտական հանրային ներքում առաջացող հարաբերությունների եւ առանձին մասնագիտությունների եւ կոլեկտիվների համարժեք հանրային ընկալման ձեւավորման վրա:

Նաեւ նշվում է, թե, օրինակ, մշակույթի եւ արվեստի ոլորտում նախատեսված պատվավոր կոչումների չեղարկման անհրաժեշտությունը պայմանավորված է այն հանգամանքով, որ որեւէ արվեստագետի կամ մշակութային գործի ժողովրդական լինելը չի կարող գնահատվել կամ որոշվել այս կամ այն փորձագիտական խմբի հայեցողությամբ:

ՆԱԻՐԱ ՀՈԿՅԱՆՆԻՍՅԱՆ

ԻՐԱՎԻՃԱԿ

ՄԻՊ ԹԵԿՆԱԾՈՒ

ԸՆԴՊԻՄՈՒԹՅՈՒՆԸ ՄԻԱՄԵԱԿԱՆ ՈՐՈՇՈՒՄ Է ԿԱՅԱՑՐԵԼ

ՔՆՆԱԳԱՏՈՒԹՅԱՆ Է ԱՐԺԱՆԱՑԵԼ

ՀՀ նախագահ Վահագն Խաչատրյանը մարտի 21-ին «Թվիթեր»-ում հրապարակում էր արել եւ շնորհակալրել իրանցիների նոր տարին՝ Նովրուզը: Ուշագրավ է, որ նա դա արել էր Բաքվում արված լուսանկարով:

Այս հրապարակումից հետո նա բուռն քննադատության եւ ծաղրանքի էր ենթարկվել թե՛ Ադրբեջանում, թե՛ Իրանում, սակայն հետաքրքիր է, որ նա արդեն ջնջել է իր այդ հրապարակումը:

Հերթական անգամ նախագահի քայլը ծաղրի առարկա է դարձրել Հայաստանին միջազգային ասպարեզում:



ՔՊ-ԱԿԱՆՆԵՐԸ ՍՈՉԻՈՒՄ

ՔՊ խմբակցության պատգամավորներ Վահե Ղալումյանը, Ալեքսեյ Սանդիկովը եւ Մաթեոս Ասատրյանը մարտի 30-ից ապրիլի 5-ը կգործուղվեն Սոչի: ՔՊ-ականները Սոչիում կմասնակցեն «Հայաստանի օրերը՝ Ռուսաստանի մարզերում» խորագրով միջոցառմանը: Գործուղման հետ կապված բոլոր ծախսերի վճարումը կատարելու է հրավիրող կողմը:

ԱԺ մարդու իրավունքների դաշտայնության եւ հանրային հարցերի մեծական հանձնաժողովի նախագահ, անկուսակցական Թագուհի Թովմասյանը հայտնում է. «Առաջնորդվելով «Ազգային ժողովի կանոնակարգ» սահմանադրական օրենքի 134-րդ հոդվածի 8-րդ մասով՝ հայտարարում եմ՝

Ազգային ժողովի «Պատիվ ունեմ» եւ «Հայաստան» խմբակցությունները համատեղ նիստում որոշել են Հայաստանի Հանրապետության մարդու իրավունքների պաշտպանի թափուր պաշտոնում առաջադրել Էդգար Ֆերդինանդի Ղազարյանի թեկնածությունը՝ նկատի ունենալով, որ մի շարք հասարակական նախաձեռնություններ եւ իրավապաշտպաններ երկրում մարդու իրավունքների պաշտպանության ոլորտում առկա վիճակը գնահատել են խիստ մտահոգիչ, իսկ լուծման ուղղությամբ գործող իշխանությունների կողմից իրականացվող քաղաքականությունը՝ ձեւախեղված: Նրանք Հայաստանի Հանրապետության մարդու իրավունքների պաշտպանի թափուր պաշտոնում «Պատիվ ունեմ» եւ «Հայաստան» խմբակցություններին առաջարկել են Էդգար Ֆերդինանդի Ղազարյանի թեկնածությունը՝ կարելու իր հասարակական եւ մասնագիտական նախաձեռնությունների հետ համագործակցության շրջանակներում խորհրդարանական ընդդիմության համախորհուրդ գործելակերպը, խրախուսելի համարելով նման կարելուության հարցերում թեկնածուների ինքնառաջադրման եւ պատրաստակամության կամահատությունը, հիմք ընդունելով «Ազգային ժողովի կանոնակարգ» սահմանադրական օրենքի 8-րդ հոդվածի 1-



ՀԱՅՏԱՐԱՐՈՒԹՅՈՒՆ ՀՀ մարդու իրավունքների դաշտայնության թափուր պաշտոնում թեկնածու առաջադրելու վերաբերյալ

ԱԺ «Պատիվ ունեմ» եւ «Հայաստան» խմբակցությունները ՀՀ մարդու իրավունքների դաշտայնության թափուր պաշտոնում առաջադրել են Էդգար Ֆերդինանդի Ղազարյանի թեկնածությունը

ին մասի 8-րդ կետը, 145-րդ հոդվածը, Ազգային ժողովի ընդդիմադիր խմբակցությունների համատեղ քննարկումների ընթացքում ձեռք բերված համաձայնությունները:

թեր, որոնք առնչվում են բացառապես Էդգար Ղազարյանին: Անսահիտ Մանսյանի վերաբերյալ քաղաքական հայտարարությունները դեռ իրավական որեւէ գործողության չեն վերածվել, եւ իշխող «Քաղաքացիական պայմանագիր» խմբակցությունը մինչ այս պահը ԱԺ մարդու իրավունքների պաշտպանության եւ հանրային հարցերի մշտական հանձնաժողովին որեւէ թեկնածու չի առաջադրել»:

ՕՐՎՍ ԽՃԱՆԿԱՐ

ԿՈՂՄ Է ԲՎԵԱՐԿԵԼ 415 ՄԱՐԳ

ԱՄՆ-ի Կոնգրեսի Ներկայացուցիչների պալատը միաձայն աջակցել է օրինագծին, որը ԱՄՆ պետքարտուղարին կարգադրում է աշխատել Չինաստանին միջազգային կազմակերպությունների շրջանակներում զարգացող երկրի կարգավիճակից զրկելու ուղղությամբ:

Ըստ հրապարակման՝ «ՉԺՀ-ն զարգացող երկիր չէ» ակտիս կողմ է քվեարկել 415 մարդ (PRC Is Not a Developing Country Act):

Ինչպես նշում է The Hill-ը, փաստաթուղթը հանձնարարում է ԱՄՆ-ի Պետքարտուղարին ղեկավարին «միջազգային կազմակերպություններում, որոնց անդամակցում են եւ Միացյալ Նահանգները, եւ Չինաստանը, «ձգտել» փոխել Չինաստանի կարգավիճակը «միջինից բարձր եկամուտ ունեցող, բարձր եկամուտ ունեցող կամ զարգացած երկրի կարգավիճակի»:

Օրինագծի համաձայն՝ պետքարտուղարը պետք է հետեւի նաեւ, որ Չինաստանը զարգացող երկրի կարգավիճակի պատճառով օգնություն կամ արտոնություններ չստանա:



Այդիսյանին նշանակվել է իր խորհրդական:

«Ղեկավարվելով «Հանրային ծառայության մասին» օրենքի 9-րդ հոդվածի 14-րդ մասով՝

Վիկտորյա Այդիսյանին նշանակել փոխվարչապետ Միքայիլ Գրիգորյանի խորհրդական», -ասված է որոշման մեջ:

Նշենք, որ Վիկտորյա Այդիսյանը 2018թ.-ից մինչեւ 2020թ.-ի դեկտեմբեր եղել է Տիգրան Այդիսյանի օգնականը:

մեկնարկել են ՀՀ ՋՌԻ ղեկավար կազմի հետ անցկացվող եռօրյա օպերատիվ հավաքները:

Հավաքների ընթացքում կլինեն գեկույցներ, դասախոսություններ, կանցկացվեն ցուցադրական պարապմունքներ: Հավաքների առաջին օրը մասնակիցներին ողջունել է պաշտպանության նախարար Սուրեն Պապիկյանը:

Անդրադառնալով տարածաշրջանային ռազմաքաղաքական իրավիճակին եւ այդ համատեքստում գինված ուժերի առջեւ դրված խնդիրներին՝ նախարարը կարեւորել է զորքերում մարտունակության շարունակական բարձրացումը, առաջնագծի կահավորման եւ ամրաշինական աշխատանքների իրականացումը, ինչպես նաեւ անդրադարձել գինված ուժերում մեկնարկած բարեփոխումներին:

ՆՇԱՆԱԿՎԵԼ Է ԽՈՐՀՐԳԱԿԱՆ

Փոխվարչապետ Միքայիլ Գրիգորյանը որոշում է ստորագրել, որով Վիկտորյա

ԵՌՕՐՅԱ ՀՆՎԱՔՆԵՐ

2023 թվականի ուսումնական տարվա պատրաստության պլանի համաձայն՝ մարտի 28-ին ՊՆ վարչական համալիրում

ԻՐԱՎԱԿԱՆ

«ԼԱՊՏԵՐԻԿ ՄԱՆԿԱՊԱՐՏԵԶ»

ԽԱՐԻՄԻՆԻԹՅՈՒՆ ԵՎ ՀԱՓՇՏԱԿՈՒԹՅՈՒՆ ԿԱՏԱՐԵԼՈՒ ԴԵՊՔ

Երեւանի «Լապտերիկ մանկապարտեզ» ՀՈԱԿ-ի սնօրենի կողմից խարդախություն կատարելու, վստահված գույքը հափճակելու և կաշառք ստանալու դեպքերի առթիվ նախաձեռնված քննչական վարույթի նախաֆնուբյուրոն ավարտվել է: ՀՀ ֆինչական կոմիտեի ԵԲԲՎ ծանր հանցագործությունների ֆնուբյուրոյան բաժնում կատարված ֆնուբյուրոյանք ձեռք բերված փաստական սվյակներով հիմնավորվել է, որ 2001թ. մինչև 2019թ. հունվար ամիսն ընկած ժամանակահատվածում զբաղեցնելով Երեւանի «Լապտերիկ մանկապարտեզ» ՀՈԱԿ-ի սնօրենի դաշնոնը Պ.Հ.-ն նշված մանկապարտեզի սարքեր հաստիներին գրանցել է իրեն ծանոթ 17 անձանց, որոնք աշխատանքի չեն հաճախել, և որոնց մի մասն առհասարակ տեղյակ չի եղել սվյակ ՀՈԱԿ-ում իրենց որդես աշխատող գրանցված լինելու մասին: Այդպիսով սնօրենը բարոնակարար հափճակել է, աղորոհի և անհատայն իրենն ու այլ անձանցն է դարձրել նշված անձանց անվանք դուրս գրված աշխատավարձի իր սնօրենում փաստացի հանձնված առանձնադես խոստ չափերով՝ 19.938.294 ՀՀ դրամ գումարը:



տեղեկագրեր, որոնց հիման վրա՝ հարսի անվանք հաշվարկվել է և վճարվել է 412.460 ՀՀ դրամ գումարի չափով հիշույթյան նպաստ, որը հափշտակվել է՝ Երեւանի համայնքին պատճառելով զգալի չափի վնաս: Նախաքննության ընթացքում «Լապտերիկ մանկապարտեզ» ՀՈԱԿ-ի տնօրենի կողմից վերականգնվել է Երեւանի համայնքին պատճառված ամբողջ վնասը՝ 20.350.754 ՀՀ դրամ գումարը: Յուրացման, վատման և վատման օժանդակելու մի քանի դրվագներով մանկապարտեզի հաստիներին գրանցված, սակայն աշխատանքի չհաճախած մի քանի անձանց, տնօրենի հարսի նկատմամբ հանրային քրեական հետապնդում չի իրականացվել՝ վաղեմության ժամկետներն անցած լինելու հիմքով:

Ձեռք բերված փաստերի հիման վրա՝ մանկապարտեզի տնօրենին ներկայացվել է վերջնական մեղադրանք՝ ՀՀ քրեական օրենսգրքի 255-րդ հոդվածի 2-րդ մասի 1-ին և 2-րդ կետերով, 256-րդ հոդվածի 3-րդ մասի 3-րդ կետով, 435-րդ հոդվածի 2-րդ մասի 2-րդ կետով: Խոշոր չափերով կաշառք տալու համար մեղադրանք է ներկայացվել նաև երաժշտության դաստիարակչուհուն: Նրանց նկատմամբ որպես խափանման միջոց է կիրառվել բացակայելու արգելքը: Նախաքննությունն ավարտվել է, քրեական վարույթի նյութերը՝ մեղադրական եզրակացությամբ, ուղարկվել են հսկող դատախազին՝ մեղադրական եզրակացությունը հաստատելու և քրեական վարույթը դատարան ուղարկելու միջնորդությամբ:

Բացի այդ, նշված ժամանակահատվածում մանկապարտեզի տնօրենը, տեղյակ լինելով վարձու աշխատողին տրվող մայրության նպաստի մասին, հարսի հիշույթյան վիճակն օգտագործելով, վերջինիս հետ նախնական համաձայնությամբ, «Լապտերիկ մանկապարտեզ» ՀՈԱԿ աշխատանքի ընդունման դիմում են մուտքագրել: 2017թ. սեպտեմբերի 1-ին նա հարսին ձեռնարկել է աշխատանքի՝ որպես գլխավոր հաշվապահ, սակայն վերջինիս գործառնությունների կատարումը թողել է նախկին հաշվապահի վրա՝ վարձատրելով նրան: Այնուհետև մանկապարտեզի տնօրենը ստորագրել է հաստատել է աշխատատեղի հաշվարկի վերաբերյալ կեղծ

ՀԱՅԱՍՏԱՆԻ ՀԱՄԱՐ

ՀՈՈՄԻ ՀԱՄԱԶԱՅՆԱԳՐԻ ՎՆԱՄՆԵՐԸ



Հոռուի Ստատուտի վերաբերյալ ՀՀ Սահմանադրական դատարանի որոշումը շարունակվում է բուռն քննադատության ենթարկվել: Հոռուի ստատուտի կարգավորումների համաձայն՝ միջազգային քրեական դատարանով քրեական պատասխանատվության ենթարկված անձանց նկատմամբ չի կարող կիրառվել համաձայն կամ ներքին: Այստեղ հետաքրքիր է, որ, մեր Սահմանադրության համաձայն, պետությունն ինքն է նախագահի հրամանագրով ներում և համաներում շնորհում, կամ նման քայլ կարող է կատարել ԱԺ-ն: Հենց այդ հիմքով 2004 թվականին ՍԴ-ն Հոռուի փաստաթուղթը հակասող էր ճանաչել մեր Սահմանադրությանը: Բազմաթիվ երկրներ գերծ են մտնում Հոռուի փաստաթուղթը վավերացնելուց, քանի որ միջազգային քրեական դատարանը, նրանց կարծիքով, առաջացնում է խնդրահարույց իրավիճակ: Հիշեցնենք, որ Հայաստանը Միջազգային քրեական դատարանի Հոռուի կանոնադրությունը ստորագրել էր 1999թ.-ի հոկտեմբերի 1-ին, սակայն չէր վավերացրել: Գործընթացն ընդհատվել էր ՍԴ-ի 2004թ.-ի օգոստոսի 13-ի որոշմամբ, որով Հոռուի փաստաթուղթը ճանաչվել էր 1995թ.-ի Սահմանադրությանը հակասող: Հաշվի առնելով, որ այդ ժամանակից ի վեր Սահմանադրությունը երկու անգամ փոփոխվել է, Նիկոլ Փաշինյանի կառավարությունը որոշեց միջազգային պայմանագրի վավերացման գործընթացը վերսկսել ու այդ նպատակով ես մեկ անգամ դիմել ՍԴ: 2022 թվականի վերջին ՀՀ կառավարությունը նախաձեռնեց Միջազգային քրեական դատարանի Հոռուի կանոնադրության վավերացման գործընթացը: Արդարադատության նախարար Գրիգոր Մինասյանը դեկտեմբերին հայտարարեց, որ հարցի հրատարակությունը պայմանավորված է Ադրբեյջանի ԶՈՒ-ի ՀՀ ինքնիշխան տարածքի նկատմամբ իրականացրած լայնածավալ ռազմական ագրեսիայի ու տարածքների օկուպացման փաստերով: Իսկ ՀՀ սահմանադրական դատարանը մարտի 24-ին որոշեց, որ Հայաստանի միացումը միջազգային քրեական դատարանի Հոռուի կանոնադրությանը համապատասխանում է երկրի հիմնական օրենքին: ՆԱԻՐԱ ՀՈՎԻՆՆԻՍՅԱՆ

ԲԱՑԱՐԱՅՏՎԵԼ ԵՆ

ԳՈՂՈՒԹՅԱՆ ՓՈՐՉԻ ԲԱԶՄԱԹԻՎ ԴԵՊՔԵՐ

ՀՀ ֆինչական կոմիտեի Երեւանի ֆուրքի ֆինչական վարչության Կենտրոն և Նոր-Մարազ վարչական օրջանների ֆինչական առաջին բաժնում իրականացված ֆնուբյուրոյանք բացահայտվել են Երեւանի ֆուրքում կատարված բազմաթիվ բնակարանային գողությունների և մեկ գողության փորձի դեպքեր:

ձինք սպասել են դրսում՝ հսկելով շենքերի բակերի և մուտքերի անցուղարձը: 43-ամյա տղամարդը, բարձրանալով համապատասխան հարկեր, հարմարեցված բանալու գործարանում բացել է ինչպես ՀՀ քաղաքացիներին պատկանող, այնպես էլ օտարերկրյա քաղաքացիների կողմից վարձակալված բնակարանների դռները և մուտք գործելով՝ հափշտակել է բջջային հեռախոսներ, համակարգիչներ, թանկարժեք ոսկյա զարդեր, փաստաթղթեր, տարբեր չափերի և արժույթների գումարներ, կենցաղային իրեր: Մեկ դեպքում էլ վերջինս միայնակ է մուտք գործել Պուշկին փողոցում գտնվող բնակարան և կատարել հափշտակություն: Պարզվել է, որ նույն մեխանիզմով 43-ամյա տղամարդը փորձել է մուտք գործել Նալբանդյան փողոցում գտնվող շենքի բնակարան, սակայն չկարողանալով բացել բնակարանի մուտքի դուռը՝ հանցակցի հետ հեռացել են: Բացահայտված 7 դրվագ բնակարանային գողությունների դեպքերով պարզված՝ քաղաքացիներին պատճառված գույքային վնասը դրամական ար-

տահայտությամբ կազմել է ընդհանուր 15,3 մլն ՀՀ դրամ: Ձեռք բերված տվյալների հիման վրա՝ Երեւանի քաղաքի 43-ամյա բնակչին մեղադրանք է ներկայացվել՝ ՀՀ քրեական օրենսգրքի 255-րդ հոդվածի 3-րդ մասի 2-րդ կետով (7 դրվագ), 456-րդ հոդվածի 1-ին մասով և 44-254-րդ հոդվածի 3-րդ մասի 2-րդ կետով: Նրա նկատմամբ որպես խափանման միջոց կիրառվել է կալանավորումը: Իսկ 42-ամյա տղամարդուն մեղադրանք է ներկայացվել 46-254-րդ հոդվածի 3-րդ մասի 2-րդ կետով (2 դրվագ) և 44-254-րդ հոդվածի 3-րդ մասի 2-րդ կետով: Նրա նկատմամբ խափանման միջոց է կիրառվել բացակայելու արգելքը: Նշված 2 անձանց մասով նախաքննությունն ավարտվել է, և վարույթի նյութերը՝ մեղադրական եզրակացությամբ, ուղարկվել են դատարան՝ ըստ էության քննության առնելու: Կատարված բնակարանային գողություններից մի քանիսին որպես օժանդակող մասնակցած այլ՝ դեռևս ինքնությունը չպարզված անձանց մասով նախաքննությունը դեռևս շարունակվում է:

Քննությամբ ձեռք բերված փաստական տվյալների համաձայն՝ Երեւանի քաղաքի 43-ամյա բնակիչը, հափշտակություն կատարելու շուրջ նախապես համաձայնության գալով 42-ամյա տղամարդու, առանձին դեպքերում՝ քննությամբ ինքնությունը չպարզված անձի հետ, Երեւանի քաղաքի Կենտրոն վարչական շրջանի Ագաթանգեղոս, Պուշկին, Ամիրյան փողոցների տարբեր շենքերի թվով 7 բնակարաններից 2022թ. տարբեր ամիսներին՝ օրվա տարբեր ժամերին, կատարել են գողություններ բնակարան ապօրինի մուտք գործելու միջոցով: Մասնավորապես, նախապես կատարել են դերաբաշխում. օժանդակող ան-

● Ըստ ոստիկանության տվյալների՝ մարտի 27-ից 28-ը Հայաստանի Հանրապետությունում բացահայտվել է հանցագործության 55 դեպք, որոնցից 1-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐՁ

ԿՈՒՏԱԿՈՒՄՆԵՐԻՑ ԽՈՒՍԱՓԵԼՈՒ ՄԻՋՈՑ

Հաշվի առնելով պետական սահմանի Բագրատաշենի անցումային կետում արձանագրվող տրանսպորտային միջոցների հոսքերի ավելացումը՝ հնարավոր կուտակումներից խուսափելու նպատակով, ՀՀ ՊԵԿ նախագահի 2023 թ. մարտի 23-ի թիվ 276-Լ հրամանով, լրացում է կատարվել ՀՀ ԿԱ պետական եկամուտների կոմիտեի նախագահի 2018 թ. հունիսի 6-ի թիվ 342-Լ հրամանում: Այս մասին տեղեկանում ենք ՊԵԿ-ից: Արդյունքում սահմանվել է, որ 2023 թվականի ապրիլի 2-ից մինչև 2023թ.ի մայիսի 31-ը ներառյալ, պետական սահմանի Բագրատաշենի անցումային կետի փոխարեն, Գոգավանի անցումային կետում գրանցված տարանցիկ հայտարարագրերով ինքնաշարժ եղանակով ներմուծվող ԱՏԳ ԱՍ 8702, 8703, 8704 ապրանքային դիրքերին դասվող տրանսպորտային միջոցների «Բացթողում՝ ներքին սպառման համար», «Հրաժարում՝ հոգուտ պետության» մաքսային ընթացակարգերով մաքսային գործառնությունները, ինչպես նաև վերոնշյալ ապրանքային դիրքերին դասվող և ազատ շրջանառության համար բացթողման նպատակով որպես անձնական օգտագործման տրանսպորտային միջոց ներմուծվող ապրանքների նկատմամբ մաքսային գործառնությունները, հայտարարատուի ցանկությանը, կարող են իրականացվել նաև ՀՀ ՊԵԿ Արեւելյան մաքսատու-վարչությունում:

ԿԵՐԿՆԱՊԱՏԿՎԻ ՄԱՏԱԿԱՐԱՐՈՒՄԸ

Ֆրանսիան կրկնապատկի 155-միլիմետրանոց արկերի մատակարարումներն Ուկրաինային: Նման տեղեկություն է հայտնել երկրի պաշտպանության նախարար Սեբաստիեն Լեկոռնյուն Figaro թերթին տված հարցազրույցում: «Մենք կմատակարարենք նաև Ուկրաինայի հակահարձակման համար անհրաժեշտ ցամաքային սարքավորում. մենք կկրկնապատկենք 155-միլիմետրանոց արկերի մատակարարումները, մարտի վերջից կմատակարարվի ամսական երկու հազար հատ», - ասել է նա: Բացի այդ, նախարարի խոսքով՝ առաջիկայում Ուկրաինայի զինված ուժերին կհանձնվի SAMP/T գեներալիզացիայի համալիր: Դրա հետ մեկտեղ, հավելել է Լեկոռնյուն, քննարկվում է Ուկրաինայի համար օգնության հիմնադրամին կրկնակի վճարումների հարցը: Ըստ Ֆրանսիայի ՊՆ ղեկավարի՝ նախկինում հատկացված 200 մլն եվրոն արդեն ամբողջությամբ ծախսվել է: Լեկոռնյուն անցյալ շաբաթ հայտարարել է, որ Ֆրանսիան պլանավորում է մինչև տարեվերջ կրկնապատկել իր ռազմական արտադրության ծավալը: Լրատվամիջոցների տեղեկություններով՝ Պաշտպանության նախարարությունը ռազմարդյունաբերական ընկերությունների հետ պայմանավորվել է մեծացնել զինամթերքի արտադրությունն ինչպես Ուկրաինայի զինված ուժերի, այնպես էլ սեփական բանակի համար, ինչպես նաև վերսկսել ռազմավարական նշանակություն ունեցող շուրջ 20 անուն ռազմամթերքի արտադրություն իր տարածքում: 155 մմ տրամաչափի հրետանին առկա է ՆԱՏՕ-ի սպառազինության մեջ: Ֆրանսիան, մասնավորապես, Ուկրաինա է ուղարկել TRF1 քարշակային հարվածներ և Caesar ինքնազնաց հրետանային կայանք:

ԳՐՈՒԹՅՈՒՆՆԵՐ

ԱՌՐԲԵՋԱՆԸ ՀԱՏԵԼ Է ՇՓՄԱՆ ԳԻԾԸ

Աժ մարդու իրավունքների դաժաճությունը և հանրային հարցերի մեծահասակ հանձնաժողովի նախագահ Թագուհի Թովմասյանը հայտարարություն է արածել. «Մարտի 26-ին՝ ժամը 10:00-ի սահմաններում, Արցախի Մարտունու շրջանի խզագեմ սակ կոչվող սեղանափ խաղողի այգում էսման և մաքսային աշխատանքներ կատարելիս հակառակորդի դիրքերից հրաձգային զենքերով անկանոն կրակոցներ են արձակվել Մոս գյուղի բնակիչներ Ռազմիկ Հարությունյանի և Երվանդ Բալայանի ուղղությամբ:



Նույն օրը՝ ժամը 11:00-ի սահմաններում, Թաղավարդ գյուղի բնակիչներ Վովա Խաչատրյանը և Ռուբեն Ավարդյանը Շեխերի երես կոչվող տեղամասի ցորենի դաշտում գյուղատնտեսական աշխատանքներ կատարելիս հայտնվել են ադրբեջանցի զինծառայողների կրակոցների թիրախում: Հարակից ադրբեջանական մարտական դիրքերից հրաձգային տարբեր զինատեսակներով անկանոն կրակոցներ են արձակվել Արցախի քաղաքացիների ուղղությամբ: Դադարեցվել են գյուղատնտեսական աշխատանքները:

Նույն օրը՝ ժամը 11:30-ի սահմաններում, Մարտակերտ քաղաքի վարչական տարածքում՝ Այրոշա Զաքարյանին պատկանող նռան այգում, գյուղատնտեսական աշխատանքներ կատարելիս ադրբեջանական մարտական դիրքերից բանվորների ուղղությամբ հրաձգային զինատեսակներից անկանոն կրակոցներ են արձակվել:

Մարտի 25-ին Ադրբեջանը հատել է Արցախի Հանրապետության զինված ուժերի հետ շփման գիծը և որոշակի դիրքային առաջխաղացում ապահովել Արցախի Հանրապետության տարածքում՝ Ստեփանակերտ-Լիսազոր գրունտային ճանապարհի ուղղությամբ:

Ապրիլի 27-ին՝ ժամը 9:00-ի սահմաններում, Ադրբեջանի ՋՈՒ ստորաբաժանումը

կրկին փորձել է առաջխաղացում կատարել Ստեփանակերտ-Լիսազոր գրունտային ճանապարհի հարակից բարձունքներից մեկի ուղղությամբ: Նշված հատվածում մարտական հերթապահություն իրականացնող ՊԲ զինծառայողների կանխարգելիչ գործողությունների շնորհիվ ադրբեջանական ստորաբաժանման առաջխաղացման փորձը կասեցվել է:

Վերոնշյալ գործողություններով Ադրբեջանը փորձում է խզել միակ կապը Ստեփանակերտի և Շուշիի շրջանի մի շարք գյուղերի միջև, իսկ թիրախավորելով խաղաղ բնակիչներին՝ խաթարում է Արցախի ժողովրդի կյանքի, նրանց խաղաղ գոյակցության իրավունքը, փորձում ստեղծել վախի մթնոլորտ:

Անտեսելով Արդարադատության միջազգային դատարանի որոշումը, մի-

ջազգային մարդասիրական իրավունքի կարեւորագույն դրույթները, խախտելով 2020 թվականի Նոյեմբերի 9-ի եռակողմ հայտարարությամբ ստանձնած պարտավորությունները՝ Ադրբեջանը մարտահրավեր է նետում ողջ միջազգային իրավակարգին:

Հաշվի առնելով վերոգրյալը՝ հրատապ գրություններ են ուղարկել միջազգային գործընկերներին՝ խնդրելով իրենց մանդատի ողջ ուժով գործադրել միջնորդական ջանքեր՝ ուղղված Բերձորի միջանցքի անհապաղ ապաշրջանափակման ու Ադրբեջանի ցեղասպան քաղաքականության զսպմանը:

Միաժամանակ խնդրել են հանդես գալ հրապարակային քննադատական հայտարարությամբ՝ ուղղված Ադրբեջանի հանցավոր վարքագծին»:

ՍԱՐՁ

ԴԵՆՈՒՊՈՒՄԱՐԿԻ ՋՐԱՌԸ ՎԵՐԱԿԱՆԳՆԵԼ ԵՆ, ՎՆԱՄՆԵՐԸ ՈՉ

Իջեանի դենդրոդարկի երկարամյա սնունդի Մեխակ Մայադյանը հայտնեց, որ Իջեանի գինու, կոնյակի գործարանը, Աղստեի աջ ափին դաս կառուցելով, այժմ դենդրոդարկի ջրառը վերագործարկել է: Իջեանի գինու, կոնյակի գործարանի կողմից Աղստե գետի հունում՝ ափին նախկինում կասարված աղբորհի մեծածավալ շինարարության հետեւանով ավելի քան երկու արհի առաջ դենդրոդարկի ջրառը գրկվել էր Աղստեի ինֆանտո ջրից: Դենդրոդարկի ջրառը վերագործարկելու համար դաժաճվեց երկու արհի և յոթ ամիս:

Ըստ Մ. Մայադյանի՝ այդ երկու տարի էլ յոթ ամսում դենդրոդարկում ջրացան շուրջ 1500 հազվագյուտ, արժեքավոր ծառեր, թփեր և մոտ 24 հազար տնկի: Այդ մեծ վնասների վերաբերյալ Հայաստանի բնապահպանական կազմակերպությունները լռել են: ՀՀ քննչական կոմիտեից «Ժողովուրդ» օրաթերթին հայտնեցին, որ Աղստե գետի մաս հանդիսացող ջրային հողն առանց ՀՀ ջրային կո-

միտեի եզրակացության վարձակալության մեջ Իջեանի գինու, կոնյակի գործարանին հանձնելու և գործարանի կողմից ապօրինի շինարարություն կատարելու դեպքի առթիվ 2021թ. հոկտեմբերի 15-ին, ՀՀ քրեական օրենսգրքի 308 հոդվածի 1-ին մասով և 290 հոդվածի 1-ին մասով, քրեական վարույթ է նախաձեռնվել, նախաքննության ներկա փուլում որեւէ մեկի նկատմամբ հանրային քրեական հետապնդում հարուցված չէ: Իջեանի գինու, կոնյակի գործարանն առանց շինթույլտվության հենապատ կառուցելու համար 2021թ. մարտի 29-ին տուգանվել է 200 հազար դրամի չափով:

Գործարանը շարունակել է կառուցապատումը և 2021թ. հուլիսի 14-ին երկրորդ անգամ է ենթարկվել վարչական պատասխանատվության՝ 2 միլիոն 500 հազար դրամի չափով: Գրեթե մեկուկես տարվա ընթացքում կատարած քննության արդյունքում ՀՀ քննչական կոմիտեն այդպես էլ ոչ մեկին մեղադրանք չի առաջադրել, չի պարզել, թե Իջեանի գինու, կոնյակի գործարանի կողմից Աղստե գետը հունը, ափը ավերելու, հարյու-

րավոր մետր երկարությամբ անօրինական մեծ պատ կառուցելու, Իջեանի դենդրոդարկը ջրազրկելու հետեւանքով շրջակա միջավայրին, Իջեանի դենդրոպարկին ինչքան վնաս է պատճառվել: Ավելին՝ Իջեանի գինու, կոնյակի գործարանը «պարզեաւորվել է»՝ վարձակալությամբ դենդրոդարկից ստանալով 5,7 հեկտար տարածք: 2023թ. հունվարի 16-ին «Արգելոցապարկային համալիր» ՊՈԱԿ-ի գրասենյակում կայացել է Իջեանի դենդրոդարկի տարածքի երկրորդ մասի՝ 5,7 հեկտարի վարձակալության տրամադրելու մրցույթ, որում հաղթել է Իջեանի գինու, կոնյակի գործարանը: 2023թ. փետրվարի 2-ին «Արգելոցապարկային համալիր» ՊՈԱԿ-ի տնօրեն (այժմ՝ Նախկին) Լեւոն Գաբրիելյանի և Իջեանի գինու, կոնյակի գործարանի միջև կնքվել է վարձակալության պայմանագիր, 5,7 հա տարածքը, որը դենդրոպարկի մաս է, հատկացվել է գինու, կոնյակի գործարանին հանգստի գոտու վերածելու նպատակով:


ՈՍԿԱՆ ՍԱՐԳՍՅԱՆ Տավուշ

● Անցած 1 օրվա ընթացքում Հայաստանի Հանրապետությունում արձանագրվել է 11 ՃՏՊ. 1 մարդ զոհվել է, 13-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԲՐՈՆՋԻ ԱՆՑՄԱՆ ՓՈԽ

ՊԵՂՈՒՄՆԵՐԻ ԱՐԴՅՈՒՆՔՆԵՐԸ



ՀՀ ԳԱԱ Շիրակի հայագիտական հետազոտությունների կենտրոնի և ՀՀ ԳԱԱ հնագիտության և ազգագրության ինստիտուտի հնագետները պեղումներ են իրականացրել Լեռնակերտի N 1 դամբանադաշտում:

Բացվել են միջին բրոնզի ու ժրոնգի անցման փուլին (Ք.ա. XVI դ. II կես- XV դ. I կես) վերագրվող թաղումներ, որոնցում միաժամանակ հանդիպել են եւ՛ միջինբրոնզեդարյան կարմիրքերոյան, եւ՛ ուշբրոնզեդարյան առարկաներ: Անցումային փուլի (միջին բրոնզից ուշ բրոնզ) այս դամբաններն ունեն 5-15 մետր տրամագծով հենապատկրումներ: Խցերը հիմնա-հողմի են՝ ուղղված հյուսիս-արևելք: Ուշ բրոնզի տարբեր փուլերին վերագրվող թաղումներում աճյունը դրված է եղել դիպրոման և վերաթաղման եղանակներով: Այս դամբաններում ուղեկցող գույքը խեցանոթներն են, հազվադեպ՝ ուլունքներ: Երկաթի դարի վաղ շրջափուլին վերաբերող դամբաններն ունեն հենապատկրումներ (8-20 մ տր.), մանր քարերից կազմված ոչ բարձր թմբեր և արեւելք-արեւմուտք ուղղված սալարկային խցեր: Երկաթեդարյան իջեցուկ դամբաններում փաստագրվել են խմբային եղանակով արված թաղումներ: Բացահայտվել է, որ այս դամբանախմբում խեղված չորս դամբաններն արեւելյան հատվածում ունեն կցակառույցներ՝ նախատեսված թաղումն ուղեկցող գույքի համար:

Երկաթեդարյան ամրոց Վարի Բերդի բլրի արեւելյան լանջին օդալուսանկարահանման միջոցով հավաստվել է «անվաճե» կառույց, որը բաղկացած է կից շրջանաձեւ այլ կառույցներից: «Անվաճե» կառույցներ Հայաստանում հայտնի են Արագածի նախալեռներում, որտեղ դրանք հանդիպում են «անապատի օդապարուկներ» կոչված հուշարձանների համատեքստում: «Անվաճե» կառույցի մնացորդներ փաստագրվել է նաեւ Արագած լեռան ամենաբարձրագիտ հնավայրում՝ Կարմիր սարում, որտեղ պեղումներով բացահայտվել են վիշապ քարակրթողների կուտակում՝ իրենց նախնական միջավայրում: Լեռնակերտի օրինակն առանձնահատուկ է նրանով, որ այն առաջին անգամ փաստագրվում է ամրոցի համատեքստում, սակայն վերջինիս գործառնությունը դեռ պարզ չէ:

Պեղումներով գտնվել են մեծ թվով խեցեղեն և քարե առարկաներ՝ անոթներ, աղորիքներ, անվակներ և այլն, կենդանական ոսկորներ՝ հիմնականում ընտանի՝ մանր և խոշոր եղջերավոր անասունների:

«ԱԿԱՂԵՄԻԱԿԱՆ ՔԱՂԱՔ»

ՆԱԽԱԳԻԾԸ ՔՆՆԱՐԿՄԱՆ Է ՆԵՐԿԱՅԱՑՎԵԼ

ՀՀ կրթության, գիտության, մշակույթի և սպորտի նախարարությունը հանրային քննարկման է ներկայացրել «Ակադեմիական քաղաք» հիմնադրամ ստեղծելու և հիմնադրամի կանոնադրությունը հաստատելու մասին» ՀՀ կառավարության որոշման նախագիծը:

Ինչպես տեղեկանում ենք ԿԳՄՍ նախարարության տարածած հաղորդագրությունից, «ՀՀ կրթության մինչև 2030 թ. զարգացման պետական ծրագիրը հաստատելու մասին» ՀՀ օրենքի համաձայն՝ նախատեսված է ակադեմիական քաղաքի ստեղծում՝ որպես որակյալ բարձրագույն կրթության և հետազոտության համար արդիական կրթական միջավայրի ապահովման կանաչուսային կլաստերների համախումբ:

«Ակադեմիական քաղաք» հիմնադրամ ստեղծելու մասին» Հայաստանի Հանրապետության կառավարության որոշման նախագիծը պայմանավորված է ակադեմիական քաղաքի ստեղծման աշխատանքները կազմակերպելու, համակարգելու և վերահսկելու հրամայականով: Պետության կողմից հիմնադրամի ստեղծումը առավել նպաստակա հարմար կազմակերպական ձեւ է ընտրվել:

«Ակադեմիական քաղաք» հիմնադրամի հիմնադիրը Հայաստանի Հանրապետությունն է, որի անունից հանդես եկող պետական կառավարման լիազորված մարմինը Հայաստանի Հանրապետության կրթության, գիտության, մշակույթի և սպորտի նախարարությունն է:

«Ակադեմիական քաղաք» հիմնադրամը պետք է իրականացնի ակադեմիական քաղաքի նախագծումն ու կառուցումը՝ որպես որակյալ կրթության և հետազոտության համար արդիական միջավայր, համապատասխան շենքային ենթակառուցվածքների կառուցումը, պահպանումը և բարելավումը, հետազոտությունը և ու-



սումը խթանող, գրավիչ, ապահով և անվտանգ, բազմաֆունկցիոնալ ֆիզիկական և ժամանակակից թվային տեխնոլոգիաներով հագեցած համագործակցային միջավայրի ստեղծումը, մարզադահլիճների, գրադարանների, նորարարական ոճով կահավորված անհատական և թիմային աշխատանքների տարածքների, ինչպես նաեւ ստեղծարար գործունեությանը նպաստող ֆիզիկական միջավայրի ստեղծումը:

Նախագծի հաստատումից հետո կնշանակվի հիմնադրամի տնօրենի ժամանակավոր պաշտոնակատար, եռամսյա ժամկետում կծեւավորվի հոգաբարձուների խորհրդի կազմ: Խորհուրդը բաղկացած է ութ անդամից: Ի պաշտոնե խորհրդի անդամ և նախագահն է ՀՀ վարչապետի աշխատակազմի ղեկավարը: Խորհրդի մյուս

ի պաշտոնե անդամներն են ՀՀ կրթության, գիտության, մշակույթի և սպորտի նախարարը, ՀՀ ԿԳՄՍ գիտության կոմիտեի նախագահը, ՀՀ արդարադատության նախարարը, ՀՀ տարածքային կառավարման և ենթակառուցվածքների նախարարը, ՀՀ ֆինանսների նախարարը, ՀՀ կադաստրի կոմիտեի ղեկավարը, ՀՀ քաղաքաշինության կոմիտեի նախագահը: Խորհուրդը հաստատում է հիմնադրամի տարեկան ծրագիրը, բյուջեն և սահմանված այլ գործառնություններ:

Նախագծի վերաբերյալ առաջարկություններ կարելի է ներկայացնել մինչև 2023 թ. ապրիլի 12-ը ներառյալ:

Նախագծի վերաբերյալ հանրային լսումը նախատեսված է ապրիլի 7-ին ժամը 16:00-ին, Գիտության կոմիտեում (Օրբելի եղբայրների 22):

«ԿՈՆՎԵՐՍ ԲԱՆԿ»

«ՄԵԴԻԱ ՄԻՍԹԵՄՍ»-Ի 10-ԱՄՅԱԿԸ

Մարտի 21-ին Hard Rock Cafe Yerevan-ում կայացավ «Մեդիա Միսթեմս» թվային գովազդով զբաղվող գործակալության ճանապարհային նվիրված միջոցառումը. անցկացված երեկոյի հասուկ հյուսն էր Ֆորթը:

10 տարի շուկայում. թվային մարքեթինգ ներկայացնող ընկերության համար այս ժամանակահատվածն արդեն կայուն և հուսալի գործելանոցի ապացույց է: Նշելով իր 10-ամյակը՝ «Մեդիա Միսթեմս»-ն ամփոփեց տարիների ընթացքում ձեռք բերած հաջողությունները, խոսեց ապագա պլանների մասին և ընդունեց գործընկերների շնորհավորանքները:

«Մենք շատ ուրախ ենք, որ այս 10 տարվա ընթացքում կարողացել ենք ձեւավորել ամուր հարաբերություններ մեր գործընկերների հետ, մասնակցել բազմաթիվ բիզնեսների թվայնացման պրոցեսին և ունենալ մշտապես կայուն զարգացում: Ի հարկե, լուրջ պարտադրանք է տարիներ շարունակ պահպանել առաջատարի դիրքը, և միտևույն ժամանակ դա շատ պարտավորեցնող է»,- նշել է ընկերության գործադիր տնօրեն Յանա Յանիկյանը:

Վերջին 10 տարվա ընթացքում «Մեդիա Միսթեմս» ընկերությունը մատուցում է



թվային մարքեթինգի բազմապրոֆիլ ծառայություններ: Ընկերության հիմնական ուղղվածությունը մեդիա գնման և պլանավորման պրոցեսների իրականացումն է լուրջ և միջազգային հարթակներում, սակայն «Մեդիա Միսթեմս»-ը կարող է իրագործել թվային մարքեթինգի դաշտում ցանկացած առաջարկ և պատվեր: Թվային գովազդի ծառայություններ՝ առանց որեւէ աշխարհագրական սահմանափակման, ոչ

ստանդարտ ձեւաչափով և յուրահատուկ տեխնոլոգիական լուծումներով: «Մեդիա Միսթեմս» գործակալությունը մշտապես հետեւում է համաշխարհային թրենդերին՝ ինտեգրելով դրանք հայաստանյան շուկա:

Ներկա գտնված 90+ ընկերությունների ներկայացուցիչները ևս միացան շնորհավորանքներին՝ պատմելով իրենց համագործակցությունների և համատեղ իրականացրած պրոյեկտների մասին:

«Տողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՆԱԽԱԳԻԾ

ԹԱՏՐՈՆՆԵՐԸ ԿՄԻԱՎՈՐՎԵՆ

ՀՀ կրթության, գիտության, մշակույթի եւ սպորտի նախարարությունը մարտի 27-ին Երջանառության մեջ է դրել մի նախագիծ, որով առաջարկում է «Արմեն Մազմանյանի անվան բեմադրվեստի ազգային փորձարարական «Գոյ» կենտրոն» ղեկավարող նշ առեսային կազմակերպությունը «Գ. Սունդուկյանի անվան ազգային ակադեմիական քառյակ» ղեկավարող նշ առեսային կազմակերպությանը միացնել վերակազմակերպել: Հիմնավորման մեջ նշվում է, թե նույնանունից մեկը «Արմեն Մազմանյանի անվան բեմադրվեստի ազգային փորձարարական «Գոյ» կենտրոն» ղեկավարող նշ առեսային կազմակերպությանը միացնել վերակազմակերպել: Հիմնավորման մեջ նշվում է, թե նույնանունից մեկը «Արմեն Մազմանյանի անվան բեմադրվեստի ազգային փորձարարական «Գոյ» կենտրոն» ղեկավարող նշ առեսային կազմակերպությանը միացնել վերակազմակերպել:



Հիմնավորման մեջ նշվում է, թե այսպես «Բեմադրվեստի ազգային փորձարարական «Գոյ» կենտրոնի թատերախումբը հնարավորություն կունենա իր ստեղծագործական նպատակներն իրագործելու համար լիարժեքորեն օգտվել Գ. Սունդուկյանի անվան ազգային ակադեմիական թատրոնի տարածքային (մեծ բեմ, Black box), գույքային եւ կյուբա-տեխնիկական հնարավորություններից, գովազդատեղեկատվական արշավների նախատեսված մասնագիտական-կադրային եւ ֆինանսական հնարավորություններից: Սրանով կլուծվի նաեւ դերասանական խումբն առավել լայն ստեղծագործական հարթություններում ներգրավելու հարցը, կխթանվեն փոխադարձ ստեղծագործական շփումները, կստեղծվի հնարավորություն տարբեր ռեժիսորական ձեռագրերի հետ առնչվելու համար՝ հաշվի առնելով այն հանգամանքը, որ Գ. Սունդուկյանի անվան ազգային ակադեմիական թատրոնը վերջին տարիներին ակտիվորեն ընդլայնում է միջազգային համագործակցության շրջանակները, իրականացնում է տարաբնույթ կրթական-մշակութային ծրագրեր, ցուցահանդեսներ, ընդլայնում է խաղացանկը, նախաձեռնում փառատոներ, եւ այս ամենն ընդլայնում է նաեւ ստեղծագործական հնարավորությունները:

Նույնպես առկա են տարբերություններ: Այս ամենն առաջացնում է լոգիստիկ բազմաթիվ խնդիրներ: «Արմեն Մազմանյանի անվան բեմադրվեստի ազգային փորձարարական «Գոյ» կենտրոն» պետական ոչ առեսային կազմակերպությանը ողջ գոյության ընթացքում կոմունալ բոլոր ծախսերը հոգացել է Գ. Սունդուկյանի անվան ազգային ակադեմիական թատրոնը, մոտավոր հաշվարկով՝ յուրաքանչյուր տարի 3.5-4 միլիոն դրամ: «Արմեն Մազմանյանի անվան բեմադրվեստի ազգային փորձարարական «Գոյ» կենտրոն» պետական ոչ առեսային կազմակերպության վերջին տարիների հաշվետվությունները ցույց են տալիս, որ ֆինանսական եւ ոչ ֆինանսական արդյունքային ցուցանիշների թերակատարումը ձեռք է բերել պարբերական բնույթ: Ամեն դեպքում, նկատենք, որ «Գոյ» թատրոնի անձնակազմը դեմ է այս նախագիծն եւ ցանկանում է իր գործունեությունը շարունակել առանձին: ԼԻՊԱ ԵՐԿԱԶԱՐՅԱՆ

ԼՈՒՐԵՐ

ՀԱՂԹԵՑ MMA ՄՐՑԱՇԱՐՈՒՄ

Մարտի 26-ին Հայաստանում տեղի ունեցավ Doping time MMA միջազգային հեղինակավոր մրցաշարը, որին մասնակցում էին մարզիկներ 5 երկրից: MMA միջազգային հայաստանյան մրցաշարը եզրափակվեց սպորտային կարաստի աշխարհի եւ Եվրոպայի չեմպիոն, Հայաստանի կարաստի միության հիմնադիր Կամո Ունանյանի MMA-ի դեբյուտային մենամարտով, որը դարձավ երկրորդ գլխավոր մենամարտը: Կամոն մրցեց ռուս մարզիկ Դանիլ Օլեյնիկի հետ, որը ռուսական Hard core անվանի ընկերությունում ունի մի քանի հաղթանակներ: Չնայած նրան, որ MMA-ի դեբյուտային մենամարտի հենց առաջին ռաունդում Կամոն ստացավ ոտքի վնասվածք, բայց շարունակելով մարտը՝ հենց երկրորդ ռաունդում ջախջախիչ հաղթանակ տարավ մրցակցի նկատմամբ: Հավելենք, որ ողջ մարտը Կամոն պահեց իր տիրապետության տակ՝ շանս չթողնելով մրցակցին: Հիշեցնենք, որ մարտից առաջ Դանիլ Օլեյնիկը հայտարարել էր, որ հաղթանակի շանսեր չի թողնելու Կամո Ունանյանին, մինչդեռ ստացվեց հակառակը. Կամո Ունանյանը շանս չթողեց Դանիլ Օլեյնիկին: Նշենք, որ ապրիլի 8-ին Ռուսաստանի Դաշնության մայրաքաղաք Մոսկվայում կկայանա MMA սերիա մրցաշարը, որին նախատեսված է նաեւ Կամո Ունանյանի մենամարտը, սակայն Կամոյի մասնակցությունը դեռեւս հարցականի տակ է, քանի որ նա այս մարտի ընթացքում ստացել է ոտքի վնասվածք: Ի դեպ, տարվա ընթացքում Կամոն պատրաստվում է եւ՝ Հայաստանում, եւ՝ Եվրոպայում մասնակցել MMA-ի մարտերին մի քանի տարբեր մրցաշարերում:

«ԱՐՏԱՎԱԶՂ»

ՈՎՔԵՐ ԲԱՐՉԱՆ ԳԱՓՆԵԿԻՐՆԵՐ

Թատրոնի միջազգային օրը, Հայաստանի թատերական գործիչների միությունը Հ. Պարոնյանի անվան երաժշտական կոմիտեի ղեկավարության նախաձեռնությամբ 22-րդ «Արտավազ» ամենամյա թատերական մրցանակաբաշխությունը՝ նվիրված երջանակահեռակ ՀՀ ժողովրդական արհիս Վահե Ծախվերյանի հիշատակին:



«Լավագույն տղամարդ դերակատար» անվանակարգում մրցանակը տրվել է Նարեկ Բաղդասարյանին՝ Ս. Սարգսյանի անվ. Համազգային թատրոնում «Խատուտիկի գինի» (Դազլաս Սփոլդիկ), «Վեներան մուշտակով» (Թոմաս Նովակչեկ) ներկայացումներում դերերի համար: «Լավագույն կին դերակատար» անվանակարգում «Արտավազ»-ի է արժանացել Տաթև Դազարյանը՝ Գյումրու Վ. Աճեմյանի անվ. դրամ. թատրոնի «Միզերի» ներկայացման մեջ Էմմի Ուիլքսոնի մարմնավորելու համար: «Երկրորդ պլանի լավագույն տղամարդ դերակատար» անվանակարգում հաղթել է Վյաչեսլավ Ծախվերյանը, Կ. Ստանիսլավսկու

Պարոնյանի անվ. թ-ն, «Կատուն՝ շիկացած տանիքին», Պատանի հանդիսատեսի թ-ն: «Լավագույն զգեստների նկարիչ» է ճանաչվել Թամարա Բարոյանը, Ս. Սարգսյանի անվ. Համազգային թ-ն, «Խատուտիկի գինի»:
«Լավագույն լուսային նկարիչ» անվանակարգում մրցանակը հանձնվել է Արամ Աղաջանյանին, Հ. Թումանյանի անվ. տիկնիկային թ-ն, «Լարովի նարինջ»:
«Լավագույն երաժշտության հեղինակ» անվանակարգում հաղթել է Նարեկ Կոսմոսը, «Միզերի», Գյումրու Վ. Աճեմյանի անվ. դրամ. թ-ն, «Բովանդակություն», Երեւանի թատրոնի եւ կինոյի ինստիտուտի եւ Գյումրու Վ. Աճեմյանի անվ. թ-ի հետ համատեղ նախագիծ:
«Լավագույն թատերախոսական» է համարվել Նաիրա Ծախվերյանի «Արթնացրո միտքը, հետո էլ՝ հոգիդ», «Ուիլյամ Գիբսոնի «Հրաշագործը»՝ Նիկոլայ Ծատուրյանի բեմադրությամբ» աշխատանքը:
«Լավագույն երիտասարդ դերասան» անվանակարգում «Արտավազ»-ի է արժանացել Սեյրան Մովսիսյանը, Պատանի հանդիսատեսի թ-ն, «Սիրելի Ելենա Սերգեյենա» (Վոլոդյա):

«ՄԻԼԱՆ»-Ը ՊԱՏՐԱՍ Է ՎՃԱՐԵԼ

Հայաստանի ֆուտբոլի ազգային թիմի եւ ռուսական «Կրասնոդար»-ի կիսապաշտպան Էդուարդ Սպերցյանի ծառայություններով հետաքրքրված է իտալական գրանդ ակումբներից մեկը: «Միլան» ֆուտբոլային ակումբը պատրաստ է Սպերցյանի համար վճարել 8 միլիոն եվրո: Ռուսական «Կրասնոդար»-ը, սակայն, հայ կիսապաշտպանի տրանսֆերային արժեքը գնահատում է 12 միլիոն եվրո: Էդուարդ Սպերցյանը «Կրասնոդար»-ի ակադեմիայի սան է: Ծնվել է 2000 թվականին: 2019 թվականից հանդես է գալիս «Կրասնոդար»-ի հիմնական կազմում: Հայաստանի ֆուտբոլի ազգային թիմին Սպերցյանը միացել է 2021 թվականին, նորամուտը հավաքականում նա նշել է Հայաստան-Ռումինիա խաղում: Առաջին գոլը հավաքականի կազմում Սպերցյանը հեղինակել է նորամուտի խաղում:

● Մարտի 29-ին Երեւանի պետական կամերային թատրոնում տեղի կունենա «Ծննդյան վկայական» ներկայացումը: Տոմսերի արժեքը՝ 2000-6000 դրամ: Սկիզբը՝ ժամը 19:00-ին:



Էջը՝ ՌՈԶԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Խնդրում եմ ասել՝ անչափահասին կամ անգործունակ կամ սահմանափակ գործունակ անձին կենսաթոշակ նշանակելու համար ով դեմ է դիմի կենսաթոշակ նշանակող մարմին:
Անժելա Մարտիրոսյան (38 տարեկան)



ՊԱՏԱՍԽԱՆ. Ա. Մարտիրոսյանի հարցին ի պատասխան՝ տեղեկացնում ենք, որ անգործունակ կամ սահմանափակ գործունակ կամ մինչև 14 տարեկան անչափահաս անձին կենսաթոշակ նշանակելու համար նրա հաշվառման վայրի կենսաթոշակ նշանակող ստորաբաժանում գրավոր դիմում է ներկայացնում ծնողը (որդեգրողը կամ խնամակալը կամ հոգաբարձուն):

Եթե անչափահաս կամ անգործունակ կամ սահմանափակ գործունակ անձի օրինական ներկայացուցիչը համապատասխան կազմակերպությունն է (մանկատունը կամ հոգեբուժարանը), որտեղ գտնվում է անչափահաս կամ անգործունակ կամ սահմանափակ գործունակ անձը, նրան կենսաթոշակ նշանակելու համար գրավոր դիմումը եւ անհրաժեշտ փաստաթղթերը կազմակերպության գտնվելու վայրի կենսաթոշակ նշանակող ստորաբաժանում է ներկայացնում այդ կազմակերպության ղեկավարը կամ նրա լիազորած անձը: 14 տարեկան անձն իրավունք ունի կենսաթոշակ նշանակելու համար դիմել անձամբ:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Կենսաթոշակ նշանակող ստորաբաժանումում դիմողը լրացնում է աշխատակցի տրամադրած դիմումի ձեւը, որից հետո նրան է վերադարձվում դիմումի ծանուցումը, որտեղ նշվում է դիմումի գրանցման համարը, ընդունման ամսաթիվը, ընդունող աշխատակցի ազգանունը, անհրաժեշտության դեպքում՝ լրացուցիչ փաստաթղթեր ներկայացնելու ժամկետը: Կենսաթոշակ նշանակելու համար բնակության վայրի մասին տեղեկանք չի պահանջվում, բավարար են անձնագրում քաղաքացու անձնական տվյալների եւ նրա հաշվառման վայրի մասին նշում պարունակող էջերի պատճենները:

ԿՎՐԳ

ՀԱՐՑ. Ուզում եմ իմանալ՝ ընտրություններին մասնակցելու համար ինչ է անհրաժեշտ կուսակցության համար: Խնդրում եմ ասել՝ սեղական ինքնակառավարման մարմինների եւ խորհրդարանական ընտրությունների առանձնահատկություններն ու տարբերությունները:
Միքայել Փանոսյան (43 տարեկան)



ՊԱՏԱՍԽԱՆ. Քաղաքացու հարցին ի պատասխան՝ հայտնում ենք, որ կուսակցության ստեղծման գործընթացում տարբերություններ առկա չեն: Կուսակցությունները կարող են մասնակցել ինչպես խորհրդարանական, այնպես էլ ՏԻՄ ընտրություններին: Բուն ընտրական գործընթացների վերաբերյալ առանձնահատկությունները նախատեսված են Հայաստանի Հանրապետության ընտրական օրենսգրքով:

«Կուսակցությունների մասին» ՀՀ օրենք

«ԺՈՂՈՎՈՒՐԳ». Նշենք, որ կուսակցության պետական գրանցումը կատարում է Հայաստանի Հանրապետության կառավարության լիազորած պետական կառավարման մարմինը՝ Արդարադատության նախարարությունը:

ԼՈՒՐ ԿԱԴՐ

Լուսանկարը՝ համացանցից



Ալբանիայի Դուրես քաղաքում ընթացող երիտասարդների աշխարհի առաջնության 73 կգ քաշային կարգում Հայաստանի ներկայացուցիչ Նարեկ Մկրտչյանը պոկեց 123 կգ, իսկ հրում վարժությունում հայ մարզիկը գլխավորեց 158 կգ եւ դարձավ փոքր բրոնզե մեդալակիր:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուկ» ՓԲԸ
հեռ. 45-82-00, 45-19-11

«Հայկիստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+2 + 6 +12 + 16	Արարատ	+7 + 10 +21 + 24
Կոտայքի լեռներ	+2 + 5 +12 + 15	Արմավիր	+7 + 10 +21 + 23
Կոտայքի նախալեռներ	+5 + 7 +16 + 19	Վայոց ձորի լեռներ	+2 + 5 +11 + 15
Գեղարքունիք	0 + 5 +12 + 15	Վայոց ձորի նախալեռներ	+7 + 11 +17 + 20
Լոռի	+4 + 8 +17 + 21	Սյունիքի հովիտներ	+9 + 14 +21 + 26
Տավուշ	+7 + 11 +20 + 24	Սյունիքի նախալեռներ	+5 + 8 +15 + 20
Արագածոտնի լեռներ	+1 + 4 +12 + 14	Արցախ	+8 + 12 +22 + 26
Արագածոտնի նախալեռներ	+5 + 8 +17 + 20	Երեւան	+7 + 9 +20 + 21

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 28.03.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: